


Bibel fa Kjinja
brinjt junt

Jeremia
Profeet en
Tronen



Jeschräwen von: Edward Hughes

Jemolt von: Jonathan Hay

Toom Pauss jestalt von: Mary-Anne S.

Äwasat von: Ed Zacharias


Hääjestalt von: Bible for Children
www.M1914.org


©2011 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Aus Jeremia kjlien wia,
wonden siene Elren en
Juda en de Staut Anatot.
Anatot wia nich wiet auf
von Jerusalem. Sien
Voda, Hilkija, wia een
Priesta un deend em
Tempel. Veleicht haben
siene Elren jewensch
daut hee uk een Priesta
woaren wudd, oba Gott
haud eene aundre
Oabeit fa am.






To Jeremia siene Tiet
läwden de Lied nich aula
soo aus Gott sien Wuat
daut säd. Sea väl
Menschen, vom Kjennich
bat oame deenden
Jetzen, soogoa en Gott
sienen heiljen Tempel.



Jeremia wie
een junga
Maun aus
Gott to am
räd. Gott
säd, "Aul ea
du jebuaren
wiescht, haud
ekj mie die jewält. Don aul wull ekj haben,
daut du wäajen de Velkja profezeien sust."



Jeremia enjst daut, aus Gott am roopt. Hee säd, "Oba HAR Gott, ekj sie nich toom räden to brucken. Ekj sie blooss een Jung." Hee wia nich mea een Jung, hee wia 20 Joa oolt. Jeremia wist nich waut am woaren wudd, wan hee wäajen daut schlaachte rom am räden wudd.



"Lot die nich enjsten," säd Gott, "go doahan wua ekj die hanschekj, un saj an waut ekj die oppjäu to sajen.


Ekj woa bie die sennen un die raden." Gott deed noch waut besondret. Hee schieed Jeremia sien Mul aun.




Gott jeef Jeremia Krauft un Moot un Weisheit.
Hee räd brow, un holp de Lied denkjen daut Gott
an goot wia, un halpen wull. Oba see horchten
nich no am; uk de Kjennich nich.



Uk de Priesta worden am doll, un säden hee sull
von Gott stell sennen. Doa wieren uk faulsche
Profeeten; dee säden waut
Jeremia säd wia
nich soo.



Jeremia holp de Lied denkjen, daut soo bie hundat
Joa trigj, haud daut nuadne Poat von Israel Gott
nich jehorcht. Dan kjeemen de Assiera un neemen
daut Launt äwa un schlapten de Israeliten no een
framdet Launt.






Nu hauden de Lied en Juda,
daut siedne Poat von Israel,
äaren Gott veloten.
Framde Armeeen
wieren aul oppem
Wajch! Wudd Gott
dee loten äwa Juda
rejieren, un an
wajch-fieren?



De Lied jleewden aun äare Jetzen. Kunnen de Jetzen an von Fiend raden? Nä, blooss Gott kunn an raden. Menschen worden soo doll äwa Jeremia, daut see plonden am omtobrinjen. Oba Gott bewoad am.



Met de Tiet säd Gott, "Bäd
nich fa dise Menschen. Ekj
woa nich no äa Jebäd
hochen." Dit woat
Jeremia selfst
jewundat haben.




Jeremia säd däm
Kjennich daut hee
jääjen de Armee von
Babel velieren wudd.
Dit jefoll däm Kjennich
soo schlajcht daut hee
Jeremia enstoppen leet.
Oba uk em Jefenkjnis
veleet Jeremia sikj opp
Gott un räd wieda.



Aus de Kjennich am frie
leet, jinkj Jeremia wada
sajen daut de Kjennich
un de Lied sullen sikj
trigj no Gott dreien un
am jleewen. Daut mol
leet de Kjennich
Jeremia en
eene ladje,
oba blotje,
Zista nenn.




Oba Gott oabeid en däm Kjennich sien Hoat. Hee leet Jeremia plietsch brinjen, un fruach am waut hee doonen sull. Un Jeremia säd, hee sull sikj to dän Fient hanjäwen, dan wudd Gott an läwen loten.



De Armee von Babel neem
Jerusalem un gauns Juda en.
See reeten Wenj un Jebieda
dol, un vebrenden aules.

Gott säd daut sien
Volkj wudd 70
Joa en de
Vebaununk
bliewen,

un dan
wudd hee an
trigj no äa
vesproaknet
Launt brinjen.



Jeremia Profeet en Tronen

Eene Jeshicht von en daut Wuat Gottes,
de Bibel

finjt eena en

Jeremia

"Wan dien Wuat openboat woat,
jefst daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

